

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- जम्मू कश्मीर विधानसभा चुनावें दे वोटें दी गिनतरी आला कम्म अज्ज बडलै 8 बजे थमां शुरू होई गेआ ऐ। गलाया मुख् चनां अधिकारी होरें। मतगणना लेई 28 केन्द्र कायम कीते गे न ते इनें केन्द्रें पर त्रऊं सतहें आले सुरक्षा बंदोबस्त कीते गे न।
- उपराज्यपाल मनोज सिन्हा होरें आखेआ जे जम्मू कश्मीर प्रशासन दी मुख् प्राथमिकता सब्बनें गी पीने आला साफ सुरक्षत पानी उपलब्ध करोआना ऐ।
- भारतीय रेलवे नमीं दिल्ली ते श्रीनगर बश्कार वंदे भारत स्लीपर रेल तौले गै शुरू करोग।
- मुख् सचिव अटल डुल्लू होरें किश पेशेवर कोर्स च सीटां खाली रौहने पर चिंता जाहर कीती। उनें एहदी वजहें गी पूर करने ते व्यापक विश्लेषण दा आह्वान कीता।

<><><><><><>

Counting

जम्मू कश्मीर ते हरियाणा च विधानसभा चुनावें दे वोटें दी गिनतरी दा कम्म अज्ज बडलै 8 बजे थमां शुरू होई गेदा ऐ ते दपैहरी तगर मेद ऐ जे नतीजे औना शुरू होई जांगन। अज्ज बडलै सब्बने शा पैहले डाकै राएं पाए गेदे वोटें दी गिनतरी कीती गेई ते ओहदे मगरा इलैक्ट्रानिक वोटिंग मशीनें राएं पाए गेदे वोटें दी गिनतरी आली प्रक्रिया शुरू होई। मतगणना पूरी चाल्ली रमानदारी ते बवस्था आले ढंगै सिर करोआने लेई सुरक्षा सनें लोडचदे होर सब्बै बंदोबस्त बी कीह लैते गेदे न। आयोग नै गिनतरी दे कन्नो कन्नी चुनावें दे रूझान ते नतीजे बी जारी करने दी बवस्था कीती दी ऐ, जेहडे आयोग दी वैबसाइट www.eci.gov.in पर उपलब्ध ऐ। मतगणना केन्द्रें पर त्रऊं घेरें आले सुरक्षा बंदोबस्त बी कीते गेदे न। जम्मू कश्मीर च विधानसभा दियां 90 सीटां न, जिंदे लेई चनां मैदान च उतरे दे 873 मेदवारें दे सियासी भविक्ख दा फैसला अज्ज संजा तोड़ी सामने आई जाग।

वोटें दी गिनतरी लेई केन्द्र शासत प्रदेश दे 20एं जिलें च कुल 28 मतदान केन्द्र बनाए गेदे न। जम्मू कश्मीर दे मुख चुनां अधिकारी पी.के.पोले होरें जानकारी दित्ती ऐ जे वोटें दी गिनतरी लेई लोडचदे सब्बै बंदोबस्त करी लैते गेदे न ते सब्बने जिला मुख्यालयें च बनाए गेदे मतगणना केन्द्रें च सुरक्षा दे निग्गर बंदोबस्त कीते गेदे तां जे सारी प्रक्रिया पूरी चाल्ली निविर्धन, रमानदारी सिर ते बवस्था आले ढंगै सिर तोड़ चाढ़ना जकीनी बनी सकै।

<><><><><><>

Trends

90 सीटें पर होए दे चुनाएं मगरा अज्ज वोटें दी गिनतरी आला कम्म कीता जा'रदा ऐ। हासल ताजा रुझाने मूजब बीजेपी 18 सीटें पर अग्गे ऐ। नैशनल कांफ्रेंस 25 पर अग्गे ऐ। कांग्रेस पार्टी 6 पर अग्गे ऐ ते पीडीपी 1 पर अग्गे ऐ। तोआई हरियाणा दी जेकर गल्ल करचै तां अजें तगर बीजेपी 9 पर अग्गे ऐ। कांग्रेस 8 पर अग्गे ऐ। हरियाणा लोकहित पार्टी इक पर आजाद मेदवार इक पर बग्गे चला'रदा ऐ।

<><><><><><>

Prominent Candidates

जिनें प्रमुख मेदवारें पर अज्ज सब्बने दियां नजरां टिकी दियां न, उंदे च साबका मुखमंत्रि उमर अब्दुल्ला, साबका उपमुखमंत्रि मुजफ्फर हुसैन बेग ते ताराचंद, केई साबका मंत्री ते होर प्रमुख नेता शामिल न जिंदे च शाम लाल शर्मा, अजय सडोत्रा, रमण भल्ला, मनोहर लाल, मूला राम, चौधरी लाल सिंह, योगेश साहनी, जुगल किशोर शर्मा, सुनील शर्मा, जी.एस.सरूरी, शक्ति राज परिहार, वकार रसूल वानी, चौधरी जुल्फकार अली, मुरतजा खान, राजीव जरूरोटिया, मंजीत सिंह, यश पाल कुंडल, हर्षदेव सिंह, गुलाम हसन मीर, ताज मोहिउद्दीन, सज्जाद लोन, अल्ताफ बुखारी, सैयद वशारत बुखारी, इमरान अंसारी ते चौधरी रमजान प्रमुख न।

<><><><><><>

Counting Congress

कांग्रेस पार्टी दे राष्ट्रीय अध्यक्ष मल्लिकार्जुन खरगे होरें कल भरोसा जताया जे उंदी पार्टी हरियाणा च पक्क गै सरकार बनाग ते जम्मू कश्मीर च बी उसी ते ओह्दे भ्याल नैशनल कांफ्रेंस गी सरकार बनाने लेई लोडचदा बहुमत हासल होग। उनें गलाया जे असें पैहले गै आक्खी दित्ते दा हा जे हरियाणा ते जम्मू कश्मीर च सरकार कांग्रेस गै बनाग।

<><><><><><>

BJP Counting

जम्मू कश्मीर लेई बीजेपी दे चुनां प्रभारी ते पार्टी दे वरिष्ठ लीडर राम माधव होरें आखेआ ऐ जे जम्मू कश्मीर च विधानसभा दे चुनां पूरी चाल्ली रमानदारी ते बवस्था आले ढंगै सिर करोआया जाना ते लोकें दा इस प्रक्रिया च बधी-चढियै हिस्सा लैना, एह साबत करी चुके दा ऐ जे जम्मू कश्मीर लेई लोकतंत्र गै इक्कला विकल्प ऐ ते जम्मू कश्मीर दे लोकें दा भारतीय संविधान ते लोकतंत्र च किन्ना गैहरा विश्वास ऐ। उनें आखेआ जे चुनां च लोकें दा बधी-चढियै हिस्सा लैना इब्बी साबत करदा ऐ जे लोकें हिस्सा ते बंदूक आली संस्कृति गी भलेया नकारी दित्ता ऐ। कल जम्मू च बीजेपी दी चुनां प्रबंधनसमिति दी बैठक गी संबोधत करदे होई उनें आखेआ जे सुआल एह नेई ऐ कु'न केहड़ी पार्टी जित्ती जां हारदी ऐ पर लोकतंत्र दी जित्त इत्थें पक्के तौरा पर होई गेदी ऐ।

64 सीटें दे ताजा रुझानें मूजब

नैशनल कांफ्रेंस 30, बीजेपी 18, कांग्रेस 6, पीडीपी 2, पीपुल्स कांफ्रेंस 1, सीपीआई(एम) 1, डीपीएपी 1, बीएसपी 1 ते आजाद 4 सीटें पर अगगे चला करदे न।

<><><><><><>

LG Book

उपराज्यपाल मनोज सिन्हा होरें आखेआ जे जम्मू कश्मीर दा प्रशासन शैहरे ते ग्रां गी खुशहाली दे केन्द्र दे तौर पर विकसित करने लेई वचनबद्ध ऐ। उनें आखेआ जे इनें थाहरें गी ऐसे स्थाबै विकसित कीता जाग जे एह आम आदमी दी आसें तांगें गी पूरा करन ते उंदे लक्ष्यें गी हासल करने च मददगार होन। उनें आखेआ जे पिछले 4 ब'रें च फर्कोफर्की ते बे-न्याहई गी खत्म करने आस्तै कम्म कीता जा'रदा ऐ ते एह्दे कन्नै लोकें च नमी मेद बी पैदा होई ऐ।

हर कुसै गी खुशहाल जीवन आस्तै बरोबर मौके उपलब्ध करोआए जा'रदे न। एह गल्ल उनें पानी सप्लाई बारे जी.एस.झा ते Muzamil Rafiqui हुंदी लिखी दी कताब दा राजभवन जम्मू च विमोचन करने मगरा आक्खी। उनें आखेआ जे सरकार हर कुसै गी साफ-स्वच्छ पानी उपलब्ध करोआने लेई वचनबद्ध ऐ।

<><><><><><>

Vande Bharat Kashmir

जनवरी 2025 ँ कश्मीर घाटी गी रेल दे राएं बाकी दे मुख्य कन्नै जोड़ने लेई कीती गेदी तैआरिएं गी दिक्खदे होई मेद ऐ जे वंदे भारत स्लीपर रेलगड्डी दे त्रीए किस्म गी दिल्ली थमां श्रीनगर दे रूट पर चलाया जाग। हासल रिपोर्ट मूजब वंदे भारत स्लीपर रेलगड्डियां लम्मे सफर तैह करा करगंन ते ओह बी रातीं दी यात्रा दे दरान। रेल मंत्री अश्विनी वैष्णव होरें जंदे सितम्बर म्हीने इस किस्मै दिएं रेलगड्डिएं दी किस्म बारे जानकारी सांझी कीती ही जिंदा निर्माण बीईएमएल पास्सेआ कीता जाग। श्रीनगर लेई रेल लाईन चालू होई जाने पर नमीं दिल्ली थमां घाटी दा सफर 20एं घेंटे थमां घटियै तकरीबन 13एं घेंटे दा होई जाग। नमीं दिल्ली थमां श्रीनगर औने आली वंदे भारत स्लीपर रेलगड्डी 200 किलोमीटर दा सफर 13 घेंटे च तैह करोग। दिल्ली-श्रीनगर वंदे भारत स्लीपर रेल संजा 7 बजे नमीं दिल्ली थमां चलोग ते अगले दिन बडलै 8 बजे श्रीनगर पुज्जी जाग। एह रेल अपने सफर दरान बक्ख-बक्ख स्टेशनं जियां अम्बाला केंट जत्क्शन, लुधियाना जंक्शन, कटुआ, जम्मू तवी ते बनिहाल स्टेशनं पर बी रूकोग। इस नमीं रेल च थर्ड टायर एसी, सैकंड टायर एसी ते एसी फर्स्ट क्लास दे विकल्प उपलब्ध होंगन ते थर्ड एसी लेई टिकट दी कीमत तकरीबन 2 ज्हार रपे, सैकंड एसी लेई ढाई ज्हार रपे ते फर्स्ट एसी लेई 3 ज्हार रपे होग।

<><><><><><>

Chief Secretary

मुख्य सचिव अटल डुल्लू होरें कल पेशेवर कोर्स च दाखले आले मतेयानें सरबंधी बोर्ड बीओपीईई दी इक बैठक दी प्रधानता कीती जिस दरान उनें केन्द्र शासत प्रदेश च कालेजें आस्सेआ करोआए जा'रदे इंजीनियरिंग ते बी.ऐड सनें होरने पेशेवर कोर्स च दाखलें लेई उपलब्ध सीटें दे पूरे ते स्हेई इस्तेमाल दी जरूरतै पर जोर पाया। पेशेवर बोर्ड पास्सेआ दाखला प्रक्रिया दा संज्ञान लैंदे बेल्ले मुख्य सचिव होरें सरबंधत धडें पर जोर पाया जे ओह ओकड़ी वजहें दा पता लान जिंदे करी पेशेवर कालेजें आस्सेआ करोआए जा'रदे किश कोर्स च विद्यार्थी घट्ट दिलचस्पी दस्सा करदे न। मुख्य सचिव होरें एहदे पिच्छे दिएं वजहें गी पूर करने लेई व्यापक विश्लेषण करने दा बी आह्वान कीता। उनें इस स्थिति दा सामना करै करदे कोर्स ते कालेजें दी सूचि तैआर करने लेई बी आखेआ।

डुल्लू होरें उच्च शिक्षा विभाग गी आखेआ जे ओह विद्यार्थिं अंदर जागरूकता पैदा करने लेई मते जतन करन तां जे इनें कालेजें च कोइ बी सीटां खाली नेई पेदियां रौहन। उनें आखेआ जे विद्यार्थी पेशेवर कोर्स च दाखले लेई प्रदेश थमां बाहर जा करदे न, इस करियै इस स्थिति दा विश्लेषण करना ते सुधार आले हीलें करना बी अत्त लाजमी होई जंदा ऐ।

<><><><><><>

Kashmir Marathan

कश्मीर दे डिवीजनल कमीशनर विजय कुमार बिधूड़ी होरें कश्मीर मैराथन दे कामयाब आयोजन लेई तैआरिं दे सरबंधै च हासल प्रगति दी कल समीक्षा कीती। डिवीजनल कमीशनर होरें कार्यक्रम आली थाहरै पर बिजली, साफ सफाई, मदाद केन्द्रें, शौचालयें ते बौहूने सरबंधी इंतजामें दा जायजा लैता। बैठक दरान बक्ख-बक्ख रस्तें दी तालते हर ढाई सौ मीटर दे छिंडे पर मदादी स्टेशन खडेरने बारे बी गल्लबात कीती गोई। श्रीनगर च इस ऐतिहासक आयोजन गी बवस्थित एंगै सिर करोआना जकीनी बनाने लेई ट्रेफिक सरबंधी योजना पर बी तफसीली चर्चा कीती गोई। इस बड्डे आयोजन लेई मुख् दे बक्ख-बक्ख हिस्सें सनें विदेशें थमां बी 2 जहार शा मते प्रतिभागिं अपने नां दर्ज करोआए दे न।

<><><><><><>